

Þangað til.

Þegar tími þinn áfram veður,
þegar síðasti kossinn þig kveður
og þú ferðast á nýjan stað.
Þegar undan lætur lífsþorstinn
þegar birtist helgur ljósblossinn
og breytir bæði stund og stað.

Þá mun ég einmana vakna,
þá mun ég stundanna sakna
sem áttum við.

Þegar ljúkast aftur augu þín,
þegar burtu læðist lífið, ástin mín
og þú ferðast á nýjan stað.
Þegar eilíft ljósið gleður augu þín
þegar varir okkar skiljast, ástin mín,
og breytir bæði stund og stað.

Þá mun ég einmana vakna,
þá mun ég stundanna sakna
sem áttum við.

Þangað til, mun ég ennþá vona,
þangað til, mun ég ennþá vilja
vakna þér við hlið.
Þangað til, mun ég ennþá vona,
þangað til, mun ég ennþá vilja
vakna þér við hlið.